

正紅滿勳臣傳

卷七



1802

八旗通志初集卷之二百七

勲臣傳七

正紅旗滿洲世職官下

薩音巴禮

兄子哈因

翁俄代

專塔

索爾和

西米那

努賽

阿鈕代納

哈朗阿

阿必圖

覺羅巴濟納

顧爾拜薩哈納

吳爾哈圖

外清

伍納哈

華善

席特庫

拖代

子拖山保



喀賴

布利克

蓋壽

兆賚

瓦色

綽奇

奇琳

噶哈

談台

渾拖和

陀穆拜

多賚

卓延

隨哈達
奇塔碩

顧爾馬渾
爾和孫達禮

桑阿布

喀爾

噶爾珠

希禮布

希泰

司川

倭和訥

胡錫屯

雅錫圖

覺羅吳達禮

艾木布
赫赫

伍通寶

胡巴克

錫屯

胡什布

阿爾泰

蒙五

烏林朴

唐五禮

赫色

索爾科

薩哈

見名臣多人同濟理

謨達

巴克山

胡葉

見名臣葉克舒傳

阿機賴

見名臣安達

瑚錫布

弼素理

見名臣布丹

巴漢

見名臣代松阿傳

翰雲

見名臣傑殷傳

安珠瑚

見名臣寧古里

阿海

見忠烈貴穆臣

薩來

見忠烈噶來傳

鈕鈕

見忠烈莫洛洪

沙欣

見忠烈尚吉圖傳

席錦泰

見忠烈薩音

席爾門

見忠烈伊藍泰

薩音巴禮滿洲正紅旗人。順治二年隨貝勒博洛征福建。攻浦城縣。奮勇先登。克其城。授半個前程。世職。卒。以其兄子哈因圖襲職。康熙三十五年。哈因圖隨撫遠大將軍伯費揚古征厄魯特。噶爾丹敗賊於昭莫多地方有功。授一拖沙喇哈番。合原世職。為拜他喇布勒哈番。

翁俄代滿洲正紅旗人。順治十一年。以牛象章京。隨寧海大將軍宜爾德征偽魯王。至浙江舟山。敗偽總制陳六御。偽英毅伯阮思等於海上。

康熙十七年。隨征逆藩耿精忠。至江西。敗賊於新店地方。又敗偽將軍陳堯元、李茂珠等於江坑嶺。時逆藩吳三桂遣偽將軍韓大任破吉安府。退據老虎洞。拒敵翁俄代。隨護軍統領哈克山擊敗之。又隨征南將軍穆占。敗偽將軍馬寶、胡國柱等於永興。又敗偽范將軍於折李橋地方。並在行間有功。二十五年。議叙授拖沙喇哈。番世職。同旗有護軍校專塔。禪布者。並以是役在事有功。授拖沙喇哈。番世職。

索爾和。滿洲正紅旗人。姓何舍里氏。世居穆哈連地方。順治十一年。以壯大。隨寧海大將軍宜爾德。征浙江舟山。擊偽英毅伯阮思。偽總制陳六御等。破其舟師。康熙十三年。隨前鋒統領穆占。征四川。進取朝天關。敗偽總兵石存禮。破三十餘營。尋以病卒於軍。十六年。叙功。贈拖沙喇哈。番世職。同旗有西米那者。姓格濟勒氏。世居綏分地方。康熙三年。以護軍隨定西將軍圖海等。征湖廣流賊。至茅麓山。破賊有功。授拖沙喇

哈番世職官至杭州協領

努賽滿洲正紅旗人順治十四年以壯大從寧南靖寇大將軍宗室羅託征偽桂王至荊州有偽總兵田國欽黃世貴等欲投誠爲賊兵阻撓努賽率兵往敗賊衆受其降十五年師抵貴州敗賊偽總兵羅大順三萬衆於十萬崎山康熙十五年從征逆藩吳三桂至湖廣擊偽將軍吳國貴於白水石地方大敗之又敗偽范將軍於折李橋十九年至廣西隨都統希佛等破偽將

軍范齊韓詹仰等於柳州陶屯地方二十年隨征南大將軍賴塔進雲南敗偽將軍何繼祖等奮黃草壩直抵雲南省城會同三路大兵平定逆孽吳世璠又隨都統希佛追偽將軍馬寶巴養元於烏木山敗之二十五年叙功授拖沙喇哈番世職

阿鈕滿洲正紅旗人姓瓜爾佳氏世居哈達地方康熙十三年以驍騎校從征逆藩吳三桂由陝西進四川隨前鋒統領穆占等敗偽將軍王

屏藩鄭蛟麟吳之茂於盤龍山娘娘廟張飛廟
槐樹驛小梅嶺龍潭驛等處並在行間有功進
取涇州敗偽副將張有才劉進邦等十四年從
征叛鎮王輔臣敗其子王繼正於延關師抵秦
州敗刼糧賊兵於牡丹園又敗王屏藩兵於醴
縣隨副都統鄂太敗偽將軍陳君極於益門鎮
二十五年叙功授拖沙喇哈番世職同旗有佐
領代納驍騎校哈朗阿阿必圖者並以是役在
事有功授拖沙喇哈番世職

覺羅巴濟納滿洲正紅旗人

景祖皇帝第三兄之曾孫也康熙十三年以七品官隨

征逆藩吳三桂至江西敗偽總兵羅托拖周門
子於寧州又擊偽總兵武二袁四等大敗其衆
偽總兵王啓臣來侵鑲藍旗營汛率兵擊却之
十九年隨都統希佛等進征逆孽吳世璠敗賊
將范齊韓馬成烈於柳州之陶屯二十年偽將
軍何繼祖王弘勳等據石門坎隨征南大將軍
賴塔擊破之奪其隘直抵雲南省城平定逆孽

在事有功。二十五年議叙授拖沙喇哈番世職。顧爾拜滿洲正紅旗人。姓納蘭氏。世居哈達地方。康熙十四年以護軍校隨信郡王鄂扎討叛逆察哈爾布爾尼。屢敗賊衆。十七年隨征逆藩吳三桂。至湖廣破偽將軍杜輝巴養元。江義等舟師於洞庭湖之柳林嘴。君山陸石等處。十八年隨安遠靖寇大將軍貝勒察尼。恢復湘陰縣。二十年至雲南克省城。又隨都統希佛等追偽將軍馬寶巴養元至烏木山大破之。二十五年

叙功。授拖沙喇哈番世職。同旗有六品官薩哈納者。亦於是役在事有功。陞授拜他喇布勒哈番世職。

吳爾哈圖滿洲正紅旗人。姓納蘭氏。世居哈達地方。康熙十四年以護軍校從定南將軍希爾根征逆藩耿精忠。至江西擊賊師邵連登於建昌府長興山。大敗其衆。十五年隨安親王岳樂征逆藩吳三桂。破偽將軍夏國相李良棟於萍鄉縣之來龍山。又敗偽總兵揭遇鄉副將嚴鎮。

寶等進兵湖南。又敗偽將軍吳應麒。張祖法於沅州。二十年隨征南將軍穆占進貴州。破偽將軍張祖法。夏國相等。恢復平越府。二十五年叙功。授拖沙喇哈番世職。

外清。滿洲正紅旗人。康熙十四年隨征逆藩吳三桂。以軍功授拖沙喇哈番世職。三十五年隨撫遠大將軍伯費揚古由西路征厄魯特。噶爾丹復有功。加世職。為拜他喇布勒哈番同旗。有護軍校伍納哈。驍騎校華善。署驍騎校安布者。

並以是役在事有功。授拖沙喇哈番世職。

席特庫。滿洲正紅旗人。康熙十四年以護軍校從征逆藩吳三桂。由陝西進取綏德州。偽遊擊黃文英引兵萬餘。據虎兒崖要路。擊破之。叛鎮王輔臣子偽總兵王繼正率馬步兵自平涼來犯。復擊敗之。又敗賊陳總兵彭總兵於風高嶺。在事有功。三十四年隨撫遠大將軍伯費揚古征厄魯特。噶爾丹。敗之於昭莫多地方。三十七年叙功。授拖沙喇哈番世職。

拖代滿洲正紅旗人。康熙十四年。隨信郡王鄂札。征叛逆察哈爾布爾尼賊。至大魯地方。過山谷。遇伏。兵力戰連擊敗之。二十年。隨征南大將軍賴塔。由廣西進雲南。征逆孽吳世璠。敗偽將軍何繼祖等於石門坎。黃草壩。直抵雲南省城。會同三路大兵。平定逆孽。又隨都統希佛等。追剿偽將軍馬寶。巴養元。於烏木山。敗之。二十五年。以功授拜他喇布勒哈番。又一拖沙喇哈番。世職。卒。子拖山保襲職。康熙三十五年。拖山保

隨撫遠大將軍伯費揚古。征厄魯特。噶爾丹。由西路前進。敗敵有功。加世職。至三等阿達哈哈番。

喀賴滿洲正紅旗人。康熙十四年。以委署叅領。從征逆藩耿精忠。至浙江。敗偽叅將鄭文鼎。徐元等於石塘地方。又隨平南將軍賴塔。敗偽總兵劉秉仁。偽將軍馬九玉等於半山嶺。草坪關。諸處。十五年。敗賊於鳳凰洲。激水湍山。又敗偽總兵官仇弘如。兵數千衆於蜈蚣山。十八年。敗

海寇偽將軍劉國軒吳淑兵二萬餘於郭塘山崖又敗劉國軒兵八千餘於流水寨並隨賴塔進戰有功二十年賴塔授征南大將軍由廣西進雲南征逆孽吳世璠敗偽將軍何繼祖王弘勳等奪石門坎破黃草壩直抵雲南省城平定逆孽喀賴並隨三路大兵進戰康熙二十五年叙功授拜他喇布勒哈番世職

兆賚滿洲正紅旗人康熙十四年從征逆藩吳三桂累有軍功得功牌二康熙三十五年隨撫

遠大將軍伯費揚古征厄魯特噶爾丹於昭莫多地方敗賊有功授拖沙喇哈番世職官至護軍統領同旗有瓦色者亦於是役在事有功授拖沙喇哈番世職仕至護軍叅領

噶哈滿洲正紅旗人康熙十四年以委署護軍統領隨撫遠大將軍信郡王鄂扎討叛逆察哈爾布爾尼於大魯地方累敗賊衆叙功授拖沙喇哈番世職同旗有七品官布利克蓋壽護軍校綽奇奇琳者並以是役在事有功授拖沙喇

哈番世職

談台滿洲正紅旗人。姓惠和氏。世居富爾堅哈達地方。康熙十三年。以七品官隨征逆藩吳三桂。二十年賊平。二十五年叙功。授拜他喇布勒哈番世職。同旗有渾拖和者。姓索佳氏。世居葉赫地方。亦以從征吳逆。敗賊於秦州保寧等處。有功。授拖沙喇哈番世職。

陀穆拜滿洲正紅旗人。康熙十四年。以委署護軍校。隨撫遠大將軍信郡王鄂扎。征叛逆察哈

爾布爾尼於大魯地方。屢敗其衆。十七年。從討逆將軍鄂內征湖廣。擊賊偽將軍杜輝巴養元舟師於洞庭湖。柳林嘴。陸石口。君山。湘陰等處。屢戰有功。又破偽楊總兵熊總兵軍三千餘。於沿溪地方。叙功。授拖沙喇哈番世職。同旗有護軍校多賚者。亦於是役。在事有功。授拖沙喇哈番世職。

卓延滿洲正紅旗人。初以護軍校。從撫遠大將軍圖海。征陝西。叛鎮王輔臣子王繼正率馬步

兵萬餘於平涼北護山墩地方。排列拒敵。卓廷奮勇擊敗之。康熙二十年。隨征南大將軍賴塔。由廣西征逆孽吳世璠。擊賊偽將軍何繼祖。王弘勳等。於石門坎黃草壩。進抵雲南省城。會三路大兵破賊。俱有功。二十五年。議叙。授拖沙喇哈番世職。同旗有護軍校。隨哈達委署護軍校。顧爾馬渾桑阿布喀爾奇塔碩爾和。驍騎校孫達禮者。並以是役在事有功。授拖沙喇哈番世職。

噶爾珠滿洲正紅旗人。康熙十四年。以七品官隨定遠平寇大將軍安親王岳樂。征逆藩耿精忠。至江西。有賊帥邵連登。統偽都督九人。引賊八萬於建昌府長興山。據河兩岸。結營拒戰。噶爾珠隨定南將軍希爾根。敗之。破其營。十五年。隨安親王岳樂。征逆藩吳三桂。由袁州往湖廣。敗偽將軍夏國相。李良棟。於萍鄉縣之來龍山。十六年十月。隨副都統阿晉泰。敗偽總兵解先聲。偽副將朱名勝。於瀏陽縣之北山。並在行間。

有功。二十五年議叙。授拖沙喇哈番世職。同旗有護軍校希禮布者。並以是役在事有功。授拖沙喇哈番世職。

希泰。滿洲正紅旗人。康熙十八年。以委署護軍校。從平南將軍賴塔。勦海寇偽將軍劉國軒等。於福建之夏坑。歐溪。郭塘等處。屢敗之。二十年。賴塔授征南大將軍。進征雲南。逆孽吳世璠。至廣西。西隆州。敗偽將軍何繼祖等。於石門坎。黃草壩。平定。雲南。希泰仍隨征。在事有功。二十五

年議叙。授拖沙喇哈番世職。

司川。滿洲正紅旗人。康熙十九年。以委署叅領。隨征南大將軍賴塔。由廣西進雲南。征逆孽吳世璠。二十年正月。敗偽將軍何繼祖。王弘勳等。奪石門坎。黃草壩。進抵雲南省城。會同三路大兵。平定雲南。在事有功。二十五年議叙。授拜他喇布勒哈番世職。同旗有護軍校倭和納。委署護軍校胡錫屯。驍騎校雅錫圖者。並以從征。吳逆。在事有功。授拖沙喇哈番世職。

覺羅吳達禮滿洲正紅旗人。

景祖皇帝第三兄之曾孫也。康熙十九年以七品官隨征南大將軍賴塔由廣西往定雲南。敗偽將軍何繼祖等於黃草壩。師抵雲南省城。會同三路大兵。平定逆孽吳世璠。並在行間有功。二十五年議叙。授拖沙喇哈番世職。三十五年從撫遠大將軍伯費揚古征厄魯特噶爾丹。由西路進兵。敗賊有功。三十六年議叙。加世職。為拜他喇布勒哈番。同旗有艾木布者。姓費莫氏。世居薩

褚庫地方。康熙二十年以驍騎校隨征南大將軍賴塔由廣西進雲南。征逆孽吳世璠。破偽將軍何繼祖。王弘勳於黃草壩地方。直抵雲南省城。隨三路大兵平定逆孽。三十五年隨撫遠大將軍伯費揚古征厄魯特噶爾丹。於昭莫多大敗賊衆。三十七年叙功。授拖沙喇哈番世職。同旗有空銜佐領勒赫者。亦於是役在事有功。授拖沙喇哈番世職。

伍通寶滿洲正紅旗人。姓佟佳氏。世居佟佳地

方康熙二十年以護軍校隨征南大將軍賴塔由廣西進雲南征逆孽吳世璠擊偽將軍何繼祖等於石門坎黃草壩師抵雲南省城會同三路大兵平定雲南又隨都統希佛等追偽將軍馬寶巴養元於烏木山敗之二十五年叙功授拜他喇布勒哈番世職三十五年隨撫遠大將軍伯費揚古由西路征厄魯特噶爾丹敗敵有功三十六年加一拖沙喇哈番胡巴滿洲正紅旗人康熙三十五年隨撫遠大

將軍伯費揚古征厄魯特噶爾丹由西路進兵敗賊有功授拖沙喇哈番世職官至護軍統領都統議政大臣尋卒

賜祭奠如典禮同旗有護軍叅領克錫屯步軍協領胡什布佐領阿爾泰拖沙喇哈番品級章京蒙五者並於是役由西路破賊有功授拖沙喇哈番世職

烏林朴滿洲正紅旗人係西安府副都統康熙五十九年從定西將軍噶爾弼平定西藏叙功

授拖沙喇哈番世職。同旗有四川成都府協領
唐五禮委署火器營章京赫色。火器營驍騎校
部委章京索爾科者。並以是役在事有功。授拖
沙喇哈番世職。



